



28. juli 2016

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit politiit misissueqqaarnerminni pisinnaatitaaffii pillugit:

1. Naalakkersuisut isumaqarpat nunatsinni politiit Danmarkimi politiitulli misissueqqaarnissaminnut pisinnaatitaaffeqartut? Uani immikkut eqqarsaatigaara, Danmarkimi politiit Eqqartuussisarneq pillugu inatsisip § 729C-a naapertorlugu misissueqqaarnissaminnut pisinnaatitaaffeqarnerat kalaallili nunaanni eqqartuussisarneq pillugu inatsimmi politiit taamatut periarfissaqartinneqarpasinngillat.

2. Naalakkersuisut sulissutiginiarnerlugu kunngip peqqussutaa atorlugu atortussanngortitsiniarlutik, politiit misissueqqaarnerminni pisinnaatitaaffii qaffassarniarlugit? Naalakkersuisut qinnuigineqarput akissuteqarnerminnut atatillugu nassuiaqqullugu kunngip peqqussutai sorliit eqqunneqarsimanersut, suut eqqunneqassamaarnersut aamma suut eqqukkusunneqannginnersut?

3. Naalakkersuisut eqqartuussiveqarnermut inatsit aamma/imaluunniit Kalaallit Nunaanni pinerluttulerinermut inatsit siunissami qaninnermi nutartissallugit pilersaaruteqarpat?

(Inatsisartunut ilaasortaq Tillie Martinussen, Demokraatit)

Tungavilersuut

Demokraatit isumaqarpugut politikerit pisussaaffigipput politiit pitsaanerpaanik naapertuunnerpaanillu sinaakkuteqartinneqarnissaat inuiaqatigiinni sunilluunniit pinerluttoqarsimatillugu misissuisarnerminni. Tamanna tungavigalugu nakkutigisariaqarparput inatsisit atuuttut nutartertarnissaat, ullutsinnut naapertuuttuunissaat aamma inissaqartinneqarnerasoq politiit, imaannaanngitsunik atugaqareersut, misissuisarsinnaanissaat illersuisarsinnaanissaallu misissuinerminni aamma uppernarsaasussat eqqarsaatigalugit.

Kalaallit Nunaanni politiit, pinerluttut pinerlunnermullu uppernarsaasussat imminnut qanittuaraallutik najugaqartarput - immaqaluunniit imminnut ilisarisimasarut, taamaattumik isumaqarpunga politiit immikkut periarfissaqartariaqartut paasissutissanik isertuussinissaminnut aamma pinerlunnerup misissornerani uppernarsaasunik, sualummik aanngajaarniutinik pinerluteqarsimasut, inunnut ulorianartorsiortitsisumik pinerluttoqarsimatillugu assigisaannillu misissisoqartillugu.



Eqqartuussiveqarnek pillugu danskit kalaallilu inatsisaat atuarukkit assigiinngissuteqarput, tassa imaappoq Danmarkimi politiit Kalaallit Nunaanni politiinut naleqqiullutik misissuinerminni pisinnaatitaaffeqarnerupput. § 7129 C-mi, danskit eqqartuussiveqarnermut inatsisaanni assersuutigalugu immikkoortoqarpoq 1-miik 7-mut, paragrafimili tassanerpiaq kalaallit eqqartuussiveqarnermut inatsisaanni immikkoortoqarpoq taamaallaat 1-miik 4-mut.

§ 729 C-p periarfissiivoq §§ 729 1 aamma 729 b-p atorneqannginnissaannut, immikkut sissuigassaqtartillugu aamma immikkut sissuertariaqarnek noqittariaqanngilaq unnerluunneqartup illersorneqarnissaa eqqarsaatigalugu.

Tamatuma saniatigut isumaqarpunga, politiit periarfissarissaarnerusariaqartut innuttaasunut pilerlussimasut pillugit uppernarsaanissaminnut ersisunut illersuinissaminnut, Periarfissat ilaat danskit eqqartuussiveqarnermut inatsisaanni § 729 C imm. 4-7-p iluanereerput.

Apeqqutit akeqquneqarput ullut suliffiit naloginnaasut qulit iluanni.